


Reaccion

Greta van Susteren cu show hopi neutral



ORANJESTAD (AAN): Diaranzon anochi, esnan cu tin Satellite-TV na Aruba y cu tin acceso na Fox News Channel, a keda agradablemente sorprendi con bon e show di "On The Record" di Greta van Susteren a bay.

E show a dedica como 45 minuut na Aruba, y Greta mes tabata riba e isla pa e show aki cu a bay en vivo.

E reaccion cu a dreña, ta muestra cu esaki porfin tabata un show hopi neutral pa Aruba. Greta tog cu su preguntanan persistente, tabata muestra di a keda satisfecho di e contestanan cu el a ricibi for di tur invitado.

Reportero Giovanni Lane di DIARIO, ta e persona kende a bay dune un tour di e supuesto ruta cu Natalee a tuma despues di Carlos 'n Charlie's.

Algo cu a hala atencion, tabata e entrevista cu Greta a tene cu e mama di Natalee, esta Beth Holloway Twitty, y

tabata interesante pa mira con Greta a haci e preguntanan pisa riba dje.

FOX NEWS

NO TA NA CABLE

Mas cu claro, varios persona ta pidi pa por fabor e sistema local di Cable-TV cuminsa ofrece e señal di Fox News Channel. Pasobra e canal di noticia aki ta parce di ta mas agresivo y up-to-date compara cu CNN.

Por ehemplo, e show di "The O'Reilly Factor" cu a pasa Diamars anochi 9'or na Fox News Channel, a haya un mihor rating compara cu CNN, Headline News, MSNBC, y CNBC hunto.

Un solo canal, esta Fox News Channel a bari den rating, y Bill O'Reilly a score. Riba Diaranzon anochi por a mira un Bill O'Reilly un tiki mas optimista relaciona cu Aruba. Ciertu momento el a hasta defende Aruba ora cu e locutoman di e emisora di Alabama a aparece riba su show, y na final el a corta nan palabra tambe.

TELEFONNAN DI DIARIO
582-6747- FAX 582-8551